



Republika e Kosovës

Komuna e Drenasit

Kuvendi i Komunës



12 Nr. 06064-37930 dt. 09/09/2020

PROCESVERBAL I MBLEDHJES SË KUVENDIT KOMUNAL

Të mbajtur më datën **31.08.2020 dhe të kryesuar nga kryesuesi, Labinot Halilaj**. Kryesuesi deklaroi të hapura punimet e mbledhjes së rregullt të Kuvendit Komunal, ku të pranishëm ishin 29 asamblistë: Haka Tahiraj, Malsore Cakiqi, Blerina Gashi, Florentina Kukaj, Gani Podrimqaku, Sokol Bylykbashi, Florentina Elezi-Veliu, Fitore Morina, Përparim Bajraktari, Vehbi Berisha, Gentrit Gërguri, Petrit Gashi, Burim Bujupi, Sabrije Kukaj, Beqir Kiqina, Edolina Plakiqi, Petrit Sinani, Nexhmedin Balaj, Naim Gjeli, Bedri Nika, Bekim Lestrani, Qendrim Mulaj, Arigon Sinani, Elhami Shala, Adem Bucolli, Hamit Kastrati, Kimete Bardhi, Bujar Dervishi, Përparim Shala.

Kuvendi filloi punimet më këtë:

Rend dite:

1. Procesverbali i mbledhjes së rregullt të Kuvendit Komunal Drenas të dt. 30.07.2020.
2. Raporti i punës së Kryetarit Janar-Qershor 2020.
3. Propozim vendim për miratimin paraprak të vendimit për dhënien e pronës së paluajtshme të Komunës së Glllogocit në shfrytëzim afatgjatë personave fizik/juridik
4. Të ndryshme.

Prezent gjatë mbledhjes ishin: Kryetari i Komunës, Ramiz Lladrovci, Nënkryetari Nazmi Hasi, Shefi i Kabinetit të Kryetarit Flamur Curri, kryesuesi Kuvendit Komunal, Labinot Halilaj, këshilltarët e KK, përfaqësues të KDI-së, zyra e informimit si dhe drejtorët e Drejtorive përkatëse.

Kryesuesi i Kuvendit Komunal, Labinot Halilaj, hapi diskutimin për pikën e parë të rendit të ditës: 1. Procesverbali i mbledhjes së rregullt të Kuvendit Komunal Drenas të dt. 30.07.2020. Pika e parë u votua në mënyrë unanime, pa diskutim.

Kryesuesi i Kuvendit Komunal, Labinot Halilaj kalojmë te pika 2. Raporti i punës së Kryetarit Janar-Qershor 2020. Në këtë pikë, fjalën e mori Kryetari Lladrovci.

Kryetari i Komunës, Ramiz Lladrovci: Falënderoj dhe i përgëzoj kabinetin, Drejtorët për punën e mirë që kanë bërë në të mirë të qytetarëve.

Kryesuesi i Kuvendit, Labinot Halilaj: Pasi që raporti i punës së Kryetarit ka karakter njoftues, a ka dikush diçka në lidhje me raportin? Meqë nuk ka dika për diskutim atëherë shkojmë tek pika e radhës e rendit të ditës, “Propozim vendim për miratimin paraprak të vendimit për dhënien e pronës së paluajtshme të Komunës së Gllogocit në shfrytëzim afatgjatë personave fizik/juridik”. Por, para se të hapet për diskutim, fjalën i kalojmë Drejtoreshës për Planifikim Urban dhe Mbrojtje të Mjedisit, Flutura Avdiu

Drejtoresha për Planifikim Urban dhe Mbrojtje të Mjedisit Flutura Avdiu– Po e elaboroj punën që ka bërë Komisioni Vlerësues për zbatimin e procedurave për dhënien në shfrytëzim afatgjatë të pronës së paluajtshme të Komunës, duke u bazuar në kërkesat e personave fizik dhe juridik të cilët shprehin interesin për marrjen në shfrytëzim të pronave të Komunës me qëllim për investim në fushave të ndryshme të ekonomisë në bashkëpunim me Komisionin vlerësues për zbatimin e procedurave të dhënies në shfrytëzim dhe me vendimin e Kuvendit Komunal të datës 02.05.2019 janë propozuar disa prona komunale për dhënie në shfrytëzim ashtu siç e parasheh ligji një vit paraprak d.m.th. në fund të dhjetorit është publikuar lista e cila planifikohet të jepet në shfrytëzim për vitin 2020 andaj komisioni vlerësues me qëllim që të krijohen kushte për zhvillim të bizneseve në mënyrë që të krijohen kushte për investime për investitorë vendor dhe të huaj, në mënyrë që të ndikohet në hapjen e vendeve të punës dhe zhvillimin ekonomik në komision jemi dakorduar dhe i kemi rekomanduar Kryetarit të Komunës që të aprovojë rekomandimin e komisionit në mënyrë që të propozojë Kuvendit sot dhënien në shfrytëzim të

pronave të paluajtshme të Komunës. Këtu në propozim vendim kemi procesverbalin e komisionit në të cilin për shfrytëzimin afatgjatë nëse Sekretaria kish pas mundësi ndryshimi për arsye se rregullorja e vitit 2020 ka ardhur më vonë e nënshkruar pasi që komisioni e ka mbajtur andaj kërkoj që të ndryshohet neni 1 dhe të ndryshohet për shfrytëzimin afatgjatë 15 deri 99 vite në mënyrë që të mos na kundërshtoi Ministria e Pushtetit Lokal. Këtu kemi të propozuara pronat Komonale për dhënien në shfrytëzim afatgjatë 15 deri në 99 vite, në zona kadastrale Gllogoc, Komoran, Arllat, Gllobar pasi që të marrim edhe konfirmimin e ligjshmërisë nga Ministria e Administrimit të Pushtetit Lokal do të dërgoj në njoftimin e shpalljeve publike që është 15 ditë me rregullore të re dhe pastaj do ta dimë pasi t'i vlerëson ofertat komisioni me miratim përfundimtar që besoi në seancën e radhës, nëse keni diçka për të shtuar urdhëroni.

Kryesuesi i Kuvendit Komunal Labinot Halilaj: Faleminderit Drejtoreshë, nëse nuk ka diskutim, ju ftoj për votim me ndryshime. Kjo pikë u votua në mënyrë unanime nga asamblistët. Kryesuesi te pika të ndryshme, i ka dhënë fjalën z. **Beqir Kiqina**, i cili ka pyetur se a janë bërë përgatitjet për fillimin e mësimin me 14 shtator.

Drejtori i Arsimit, Muhamet Gjoka: Sa i përket përgatitjeve për fillim e vitit të ri shkollor mund të konstatojmë se Komuna e Drenasit i ka bërë të gjitha përgatitjet në bazë të protokolleve të rekomanduara nga Ministria e Shëndetësisë dhe Ministria e Arsimit. Ministria e Arsimit ka dalë me tre skenarë të organizimit të mësimin dhe në bashkëpunim me drejtorët jemi mobilizuar që të përgatitemi për skenarin e parë sepse kemi konsideruar që gjatë periudhës së pandemisë në aspektin edukativ kemi pas humbje tu e pas parasysh pandeminë dhe numrin e të infektuarave në Komunën tonë kemi konsideruar që do të vazhdojmë me skenarin e parë të gjitha përgatitjet dezinfektimit, përgatitjes të orarit i kemi të përfunduara dhe kemi qenë të gatshëm qysh në datën 1 shtator që t'fillojmë me mësimin në shkolla por me vendim të Qeverisë është shtyrë me 14 shtator dhe presim vendimin e Qeverisë për fillimin e mësimin me 14 shtator dhe jemi të gatshëm të fillojmë kur do që të thotë Ministria.

Kryesuesi Halilaj më pas i ka kaluar fjalën asamblistit z. **Nexhmedin Balaj**, i cili ka pyetur se a është bërë shenjëzimi në shkolla dhe a janë furnizuar me tekste shkollore shkollat e Komunës së Drenasit nga Ministria.

Drejtori i Arsimit, Muhamet Gjoka: Sa i përket teksteve janë siguruar dhe komisioni për shpërndarje teksteve ka filluar shpërndarjen dhe shkollat janë pajisur me mjete hixhienike material dezinfektues, për një vit mjete hixhienike dhe kemi planifikuar që dezinfektimin ta bëjmë në baza ditore dhe kemi mbajtur trajnim stafit teknik së bashku me Drejtorinë e Shëndetësisë për dezinfektimi. Sa i përket shenjësimit kemi bërë përgatitjet qysh në hyrje të shkollave me shenja të caktuara dhe informatorë të ndryshëm ekziston shenjëzimi dhe ka sasi të mjaftueshme që nxënësit të kenë informacione për mbajtjen e distancës.

Kryesuesi Labinot Halilaj: Fjalën e ka z.Kiqina. Z. Kiqina informon që nga Ministria janë ndarë 12.5 milion për tekste shkollore, 3.15 milion janë ndarë për platformën online që në bashkëpunim me instancat përkatëse do të fillojnë mësimin me 14 shtator siç është planifikuar.

Kryesuesi Halilaj: Fjalën e ka z. Berisha, i cili ka pyetur për asfaltimin e dy rrugëve, rrugën që lidhë fshatin Godanc-Gllanasellë dhe rrugën Mustaf Qorri në Drenas.

Kryetari ka marrë fjalën dhe informon që punimet janë duke u bërë dhe do të punohet në këtë drejtim.

Pasi nuk pati diskutime, vërejtje apo sugjerime, kryesuesi i Kuvendit Komunal konsideroi të mbyllur seancën.

Mbledhja përfundoi rreth orës: 11: 00

Procesmbajtëse:



Fatlinda Zymberi



Kryesuesi i Kuvendit

Labinot Halilaj